

道光戊申秋鐫

牧令書

楚興國李煒校刊

序

自史記創為循吏傳歷代因之而
西京為盛茲西漢去古未遠淵源
經術具有師承吏治蒸蒸不懈而
及於古

國朝重熙累洽

列聖相承以察吏為國治之先務
皇上御極以來慎簡牧令其課最
者往往

恩予召對不次擢遷尤稱異數
誠以牧令迺親民之官以保赤之心
為心則一邑治即推之天下而王

下無不治高安朱文端公輯歷代
循吏傳始漢終元皆錄舊史並取
散見他書者以附益之而未及於

昭代吳江陸朗甫中丞切問齋文鈔
長沙賀耦耕制府經世文編於我
朝循政良規搜羅宏富然非專為

牧令言也同歲生徐致初太守官水
部時著有牧令書嘗出以相示為
目十八為卷二十三博采旁收辭歸

簡要不復列叙前代略觀梗概備
三善焉古人筮仕之初比於學製
發矧新試界之大邑操刀實傷如

古訓何是書條分理合確有持循

雖在中材可勉而致其善一過或端

門名法以刻為明用持巧心析律

貳端陷民非罪跡弛之弊甚于迂踈

是書弁以治原治術之醇根於學術

其善二天下事常者治之易變者

治之難水旱盜賊自古有之治亂
相因其異以濟而籌荒戢暴備武
具於是書復以保甲總其綱去事則
豫切講求有事則不虞扞格其善
三失牧令與唐虞之十有二牧春秋
之令尹不同今特一邑之任耳顧社

授民人惟牧令是寄本是書而遵
行之因時制宜精義致用彼西京
之通於世務明習文法以經術潤
飾吏事者何以加哉余與太守苔岑
至契夙稔其有體有用由士會出
守興安量移首郡渭川共楫雅慕

前修今以是書付之剞劂用之一邑
而治推之天下而無不治將見進
而益上天其設施仰贊

聖天子察吏安民邁古循良之績
匪直謨猷入告得拜獻之先資已
也是為序

道光歲在著雍涒灘壯月日吉
耶攝年愚弟楊以增書於闕
中節署之四來堂

牧令書自序

天下事莫不起於州縣州縣理則天下無不理稱州縣之職大約不外于更事久讀書多而讀書尤要蓋更事在既事之後讀書在未事之先且讀書雖未更事而可收更事之效所謂前事爲後事師也昔賢有見乎此言刑名錢穀有書言興利除害有書甚至記功過談因果有書當事者皆可奉爲龜鑒矣顧其書或列叙前代事或自成一家言而於我

朝二百年來循績嘉言未有人起而萃之余不揣固陋取暇參稽摭摭漸多遂依類相從分爲若干卷綜既往以待將來集衆長以求一是以以此勸吏而福民庶幾爲千里之跬步乎若夫得前人之

良法美意而神明變化之則存乎讀是書者

道光十有八年戊戌嘉平朔安肅徐棟題于京邸之解虛齋

牧令書例言

一州縣事宜爲 欽頒之書應與會典律例洗冤錄等書同奉全編以爲法守故不恭載

一桂林陳文恭公從政遺規包括精密當湖屈培齋先生守令垂範備著楷模黃思湖給諫福惠全書雖稍陳冗而有條有理鉅細靡遺荒政叢書康濟錄荒政輯要皆切實可見諸施行以上各書務宜購閱全函方無掛漏之憾他如居官必覽治鏡錄集解以及兵刑錢穀之各有專書者自爲始終無煩割取從政有暇流覽及之可耳

一立言貴致用凡宜古而不宜今與夫泛而寡當者概置弗錄

一所錄於本文頗多刪節期于簡要不敢斷鶴之譏其有文經
選本修飾較勝原本者則照選本錄之

一各篇之見於本集者既各載其書名其有本無文集或有文集
未見而見於他書者亦必載明以備閱者參考

一氏里官爵各臣名下內有未詳其所卒之官者亦就可考之官
載之庶讀其書可知其人

一各類中以人之時代先後爲序其有可暗分子類以清眉目者
不拘此例

一篇中載前人及時賢論斷皆弁明某人之說間附臆見不復加
某案某識字樣

一保甲爲庶政之綱其書先成另爲四卷

一蒐羅貴富而抉擇貴精是編囿於見聞遺珠甚夥然連篇累牘已嫌其多再博而再約之尙有俟於異日

是書成於戊戌臈重訂於戊申春中間頗多增損故所載有戊戌後文字

受業

程恭壽校字

王發桂

牧令書總目錄

卷一 治原

卷二 政略

卷三 持家

卷四 用人

卷五 事上

卷六 接下

卷七 取善

卷八 屏惡

卷九 農桑上

卷十 農桑下

卷十一 賦役

卷十二 籌荒上

卷十三 籌荒中

卷十四 籌荒下

卷十五 保息

卷十六 教化

卷十七 刑名上

卷十八 刑名中

卷十九 刑名下

卷二十 戡暴

卷二十一 備武

卷二十二 事彙

卷二十三 憲綱